



Broj: 17-14-38517-9

Datum: 25.12.2018. godine

Na osnovu člana 64. stav (1) tačka a), člana 70. st. (1), (3) i (6) i člana 89. stav(1) Zakona o javnim nabavkama („Sl. glasnik BiH“, broj 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. Novine Kantona Sarajevo broj 5/06 – Prečišćeni tekst) i Preporuke Komisije za ustupanje usluga u postupku javne nabavke usluga tekućeg održavanja telefona, telefonskih centrala i telefonske mreže Kantona Sarajevo, načelnik Stručne službe za zajedničke poslove je donio

## ODLUKU

### **o izboru najpovoljnijeg ponuđača u otvorenom postupku javne nabavke usluga tekućeg održavanja telefona, telefonskih centrala i telefonske mreže Kantona Sarajevo**

#### **Član 1.**

##### **(Predmet Odluke)**

Prihvata se Preporuka Komisije za ustupanje usluga u postupku javne nabavke **usluga tekućeg održavanja telefona, telefonskih centrala i telefonske mreže Kantona Sarajevo** i ugovor za javnu nabavku usluga tekućeg održavanja telefona, telefonskih centrala i telefonske mreže Kantona Sarajevo dodjeljuje se najpovoljnijem ponuđaču **"Erlang" d.o.o. Sarajevo**, ponuda broj: 110/18 od 18.12.2018. godine, zaprimljene pod brojem: 17-14-40308 od 21.12.2018. godine, za ponudenu ukupnu cijenu ponude u iznosu od 48.411,05 KM bez PDV-a, odnosno u iznosu od 56.640,93 KM sa PDV-om.

#### **Član 2.**

##### **(Prijedlog ugovora)**

- (1) Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (*u daljem tekstu: Zakon*).
- (2) Izabrani ponuđač je dužan dostaviti dokumente zahtjevane tenderskom dokumentacijom iz člana 45. Zakona u roku od 3 dana od dana prijema ove odluke.
- (3) U slučaju da izabrani ponuđač propusti dostaviti tražene dokumente u određenom roku, Stručna služba za zajedničke poslove Kantona Sarajevo će poništiti predmetni postupak.



**Član 3.**  
**(Objava Odluke)**

Ova odluka objavit će se na web-stranici ugovornog organa [www.sszp.ks.gov.ba](http://www.sszp.ks.gov.ba), istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

**O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke broj: 17-14-38517 od 10.12.2018. godine.

Javna nabavka je provedena putem otvorenog postupka javne nabavke.

Ukupna procijenjena vrijednost nabavke iznosi 49.000 KM bez PDV-a.

Obavještenje o nabavci broj: 1230-7-2-104-3-66/18 objavljeno je dana 10.12.2018. godine.

Tenderska dokumentacija objavljena je na portalu javnih nabavki dana 10.12.2018. godine.

Komisija za javnu nabavku imenovana je Rješenjem o imenovanju broj: 17-14-3-36042 od 25.10.2018. godine.

Krajnji rok za prijem ponuda bio je: 21.12.2018. godine do 13:00h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 13:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-38517-8 od 24.12.2018. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 3
- Broj blagovremeno zaprimljenih ponuda: 3
- Broj neblagovremeno zaprimljenih ponuda: 0
- Broj prihvatljivih ponuda: 2
- Broj neprihvatljivih ponuda 1



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1



**Prikaz pristiglih ponuda prema obliku, sadržaju i potpunosti, iz zapisnika sa otvaranja ponuda:**

**SAŽETAK PONUDA PRIMLJENIH U ROKU**

Broj protokola ugovornog organa	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Podkriteriji koji se vrednuju unutar kriterija ekonomski najpovoljnija ponuda	Ponuđeni popust
17-14- 40254	1	SILNICA d.o.o.	DA	1. Cijena KM bez/sa PDV <b>48.710,60/56.991,40 KM</b> 2. Način plaćanja <b>30 dana</b>	/
17-14-40255	2	INTELS d.o.o.	DA	1. Cijena KM bez/sa PDV <b>48.945,95/57.266,76 KM</b> 2. Način plaćanja <b>30 dana</b>	/
17-14-40308	3	ERLANG d.o.o.	DA	1. Cijena KM bez/sa PDV <b>48.411,05/56.640,93 KM</b> 2. Način plaćanja <b>60 dana</b>	/

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je sljedeć ponuđač dostavio kompletnu i formalno pravno prihvatljivu ponudu, i to:

**1. Erlang d.o.o. Sarajevo**

Ponuda ponuđača **Silnica d.o.o. Sarajevo** se odbacuje kao neprihvatljiva iz sljedećeg razloga:

1. U skladu sa članom 3 stav (1) tačka b) Pravila o postupku, provjeri, proceduri i načinu vrednovanja-bodovanja kriterija za izbor najpovoljnijih ponuđača Tenderske dokumentacije, ponuđači su obavezni pribaviti i dostaviti sve dokumente zahtjevane TD koji ne mogu biti stariji od 3 (tri) mjeseca. Ponuđač je dostavio Rješenje o izmjenama podataka izdato od strane Općinskog suda u Sarajevu broj: 065-0-Reg-18-003479 sa danom izdavanja 12.07.2018. godine, odnosno datumom izdavanja koji je stariji od tri mjeseca, te se na osnovu navedenog njegova ponuda odbacuje kao neprihvatljiva u skladu sa članom 68. stav (4) tačka i) Zakona.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1



Ponuda ponuđača **Intels d.o.o. Sarajevo** se odbacuje kao neprihvatljiva iz sljedećeg razloga:

1. U skladu sa Poglavljem III Uslovi za kvalifikaciju ponuđača, tačka 3. Ekonomska i finansijska sposobnost Tenderske dokumentacije, ponuđači su bili obavezni dostaviti poslovni bilans stanja i bilans uspjeha za 2017. godinu, u smislu člana 47. stav (1) tačka c) Zakona, kojim treba dokazati pozitivno poslovanje u navedenoj godini poslovanja. Ponuđač je uz ovjerenu Izjavu o ispunjenosti uslova iz člana 47. st. (1) tačka c) i (4) Zakona dostavio kopiju bilansa stanja i bilansa uspjeha za 2016. godinu, a ne za 2017. godinu kako je zahtjevano, te se njegova ponuda iz navedenog razloga odbacuje kao neprihvatljiva u skladu sa članom 68. stav (4) tačka i) Zakona.

Na osnovu izvršenog pregleda i ocjene ponuda, Komisija je konstatovala da je u predmetom postupku zaprimljena jedna prihvatljiva ponuda, te je predložila rukovodiocu ugovornog organa da ugovor za predmetnu nabavku dodijeli ponuđaču Erlang d.o.o. Sarajevo.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka a) Zakona, odlučeno je kao u dispozitivu.

#### **POUKA O PRAVNOM LIJEKU:**

U skladu sa članom 101. stav (5) Zakona, protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke, na način propisan članom 99. Zakona i 105. Zakona.



Pripremila: Azra Sipović  
Kontrolisao: Sedim Kozadra

#### **Prilog:**

Zapisnik o pregledu i ocjeni ponuda

#### **Dostaviti:**

1. Ponuđačima
2. a/a



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1

